

Xiang Gang Zi Ri Ji

黄

霑

最

新

力

作

香港 仔日记

幽默谐趣
乐而不淫

黄霑

Huang Zhan



黄霑 著

香港仔日记

①上



西北大学出版社

责任编辑:肖 辰

封面设计:张 立

香港仔日记(上、下)

黄 霏

西北大学出版社出版

济南书刊印刷厂印刷 全国新华书店经销

787×1082 毫米 32 开本 16 印张 300 千字

1998 年 11 月第 1 版 1998 年 11 月第 1 次印刷

印数:1000 册

ISBN 7-5054-0610-8/I·601

定价:23.00 元(共上、下册)

目 录

有风流必有折堕	(5)
男人多幻想	(17)
无钱不行	(31)
发达大计	(40)
靠阿姐放电	(54)
有钱就有女人	(73)
充大头鬼	(92)
巧遇美智子老窝	(101)
信者得救	(116)
世界鸡王	(135)
三口齐行运	(145)
服务周到	(172)
美智子的病	(187)
面子攸关	(203)
认识中国	(219)
进军大陆	(233)

编者的话

黄霑，令人联想起流行歌词、不文笑话、咸湿小说。

《香港仔日记》并非上属三者。简单来说，是一个男人在逆境求存的故事。

无论是逆境还是顺境，人生总离不开家庭、事业、爱情、甚至性。

男主角周旋在纠缠不清的肉欲关系中，令到母亲与他断绝关系、太太与他离婚

生意失败、最后孑然一身，但他的脑中仍然满是女人。最后他否极泰来，拥有自己的事业、找到生命中的最爱，但在梦中他仍然是记挂着不同的女人。

男人为什么总是喜欢拥抱不同的女人？男性读者看过，当然会起共鸣。

女性读者看过，可能会明白个中道理。

看小说如对异性

有云：治大国如烹小鲜。

有说：看小说如对异性。

（男人的异性是女人；女人的异性是男人。）

（当然也可以是同性，视乎阁下的性倾向而论。）

从小就喜欢看小说，于今尤烈，一本小说在手，爱之抚之，乐不可支。这当然是还没有开始看的时候的感觉。

看了之后，是喜是悲，在那时候还完全是未知数。

很久以前，总要看到一半，才能肯定这小说不好看，知道上了当，浪费了生命，这才放弃。渐渐地看三分之一就可以知道不必看下去，然后进步到五分之一、十分之一……

到现在，积超过半个世纪看小说之经验，敢夸欣赏能力极高，所以只要看开头几百个字，就可以知道这本小说是龙是凤，还是垃圾。

不过无论怎样，总要先看了才知道——即使只看一眼。

不看，有可能错过了一部好小说，那简直是终身遗憾，看了，一发觉不好，立刻可以扔掉，损失不大。所谓“有杀错、有放过”者是。

所以当黄霑说，他著有一部小说，快将出版，就请他先寄来看，说是“先睹为快”，实在颇“不怀好意”——写小说乃本人之强项也，阁下虽然百足那么多

爪，瓣瓣皆能，难道连小说也写得好不成？而且说是“咸湿小说”，那是小说中的极品，以中国五千年文化传统而论，好看的咸湿小说也来来去去只不过那几部而已，所以虽然颇“不怀好意”，却也真的想看。

小说到手，才看了几行，就被吸引。

看完寄来的第一册，连连感叹，这岂止是咸湿小说而已！所谓咸湿小说也者，当然是谈话时的方便用语。实际上这是一部极佳的——“社会通俗小说”。

这一类小说，可以上溯到四大奇书之一的《金瓶梅》，以及晚清的《二十年目睹怪现状》、《官场现形记》。黄霑这部小说更接近《海上花列传》和《九尾龟》，因为都用方言写成——后两者用吴语，前者用粤语。

小说以香港为背景，用粤语来写，使读者倍觉亲切。香港报章上颇多粤语入文者，然而看起来不觉得别扭者，如凤毛麟角，真正只有两个而已。

凤毛者，已作故人之三苏大师；麟角者，生猛活泼之黄霑先生也！

所有小说都以文字作为面目见人，文字好，一如人面目俊朗秀丽，自然一照面就能吸引人、惹人好感，所以是好看小说的先决条件。

当然好看的小说还要有丰富的情节，这部小说情节之丰富简直如汪洋大海，因为它取材于香港的社会百态。香港社会的多姿多采可以名列世界第一，给社会通俗小说提供了无穷无尽的题材，黄霑顺手拈来，就已经看得人眼花缭乱，全身三十六万个毛孔，个个都大叫过瘾。小说中的人和事，有的是我们经历过和看到过的，有的是我们只听说过的，有的是我们想都想不到的，却又完全是在我们周围的事情，其过瘾之一。

小说用第一人称写成，采用了自己对自己说话的形式，所以句句是男人的真话，敢说小说中的话，应该每

个男人心中都有，只是敢不敢、能不能说出来而已，现在代大家说出来，其过瘾之二。

小说当然也有缺点。

不懂广东话的人，会像看天书一样，不知所云。然而如果肯下功夫，学着去看，不但其乐无穷，而且可以学会很高级程度的广东话，成为额外收获。

小说无非是写人的生活，而性生活是人生活之中极重要的组成部分，应该可以作为小说的内容大写特写，以黄霑之丰富经验（一笑），绝对不应该仅止于此。

一看就被吸引，看了大叫过瘾，看小说有这种遭遇，和遇上称心如意的异性一样，实在是赏心乐事。

常常说：“我的欣赏能力，十倍于我的创作能力。”

我说是好看的小说，不会不好看。

算是介绍，可以不必，因为俊男美女，人人一眼就可以看出来，何需别人指出。

倪匡

1998年2月25日

清晨六点起到八点半。因为用声控打字法，有的广东字不好找，所以很花时间。

有风流必有折堕

哈啰！日记！

势估唔到我呢兜友，居然会写起日记。

做靚仔，读书嗰阵，个中文阿 Sir 周不时叫我哋写日记，我写过三篇咁大把，就系咁先。讲笑咩？已经咁多功课，重写日记，未辛苦过呀？

而家毕咗业咁鬼耐，更加有时间写。但係，我居然又揸住支笔，响本簿度一个个字写，我都有些少唔信。

唉！人生嘅嘢，真係出奇。今日唔知听日事。头先谗吓谗吓，觉得我虽然系个普通人，但係响我身边发生过嘅嘢，好唔普通，有一记嘅必要。唔系将来老咗，一条友仔孤零零嗰阵，想记番起嚟回味吓都唔得。

所以，日记啊日记！我而家开始响你身上，画到花晒。将我最秘密嘅心事，全部讲晒俾你听。

唔讲俾你听，我就有人讲咯。

我同安田美智子，同我旧老婆 Mary，同我个旧秘书 Angela 嘅事，讲得俾边个人听吓？讲俾人听，人哋亦以为我神经啦！

我点都估唔到自己，会同 Mary 离婚㗎。

咁好嘅老婆，又系大学生，屋企又叠水，又叻，又对我好，我竟然戇居到要离家出走，而家变成无业游民，日日望天打卦，坐喺自己间房度胡思乱想。

我曾经有过成千万现金，放响银行，剩系收息，一年都几十万，而家竟然仙都唔仙吓！

呢样嘢，除咗你，冇人会同情我嘅嘞日记！

我都唔明白，点解一个麻甩佬，而家唔可以三妻四妾？

记得旧时中文 Sir 讲过，辜鸿铭呢个北大嘅有辩教授，话明男人系茶壶，女人系杯。

一个茶壶，要斟几只杯至啱。佢呢个道理，我好支持。

但系香港就衰，明明用紧“大清律例”，忽然之间，响我未出世就废鬼咗，而家一个麻甩佬，几个女人就大镬，又话重婚，又话通奸，搞到我而家一个茶壶，冇杯！

真系吹胀！

以后，搵到水，信回教，一于一夫四妻，风流快活，过埋我下半世。

哈！搬埋去中东住添，冇眼睇香港九七以后会点。

九七以后，香港叫鸡都会麻乜烦。

“舞照跳”冇话“鸡照叫”，你睇深圳，一想郁啲港客，就叫鸡都捉，又话响本回乡证度打明“嫖客”，又话要扣留，叫屋企人嚟赎身，搞到人咁一身蚁，耳仔都俾老婆扭甩，雀雀都俾条女剪埋，冲落厕所。

叫吓鸡啫，乜咁大件事㗎！

又唔俾三妻四妾，又唔准叫鸡，你叫我哋啲麻甩佬点咁？

我系好色，系好奇。

但我想咁咩？

唔系！系个天生成我咁。

我够想做好男人，一夫一妻，一个女人一生一世咯！唔得呀，咁点先？

都系中东好，穆罕默德真神阿拉有文化，教规讲明，一个茶壶，四只杯，合法！

真系估唔到，今日阿姐嚟探我。

吓到我班同屋，个个发晒神经咁。

哗！电视超级红星，电影超级红星！居然纡尊降贵，嚟到我度探我。

我欢喜到直头喊！

“阿港！你唔好喊啦！”阿姐话：“男人流血不流泪。”

我谗，咁又系，马上唔喊，阿姐重递张纸巾俾我抹鼻涕。我抹完鼻涕，就食佢送嘅芒果。

“阿港，你唔好睇唔开呀！”佢话。

其实，到今时今日，我都重系好钟意阿姐嘅。讲身材，佢一流。虽然有人话佢对波系假嘅，但系我唔介意。我摸埋去，亦唔觉得佢对波假，鬼咁软熟，好死梳乎，话之佢真定假吖！就算佢系假，亦不过因为想我哋男人开心，先至去整容，加大个胸嘅尺码。我哋感恩图报至啱，点会重弹左弹右咁衰吖！

阿姐同我，系前世冤孽嚟。我发梦都估唔到，我会同香港第一流嘅女人做爱。

而做完爱之后，佢居然有唔记得我。

佢对我，重好过 Mary！

Mary 系我老婆，都有阿姐对我咁好。佢冇理我成年，但系，阿姐今时今日，仍然嚟探我，重带埋我最钟意嘅芒果俾我食。

我一边食，一边望实佢，眼都唔晰。

佢今年都卅岁出头，但系依然好靚，靚到艳光四射。佢笑咪咪咁对住我，我真系成个人晕晒，几乎口水流埋。

“阿港，你有咩想我同你做吖？”佢问我。

我真系流口水嘞呢次：“我想同你做爱！”

“吓！”阿姐听见我话想同佢做爱，打咗个突。

“得唔得啫？”我求佢，直头细路想叫老母买糖咁。

“今日唔得！”佢个样，好似有啲尴尬咁。

“点解呀？”我问：“你唔钟意我嗰而家？”

“唔系，阿港！我重好钟意你！同旧时一样咁钟意你！其实，我而家钟意你，重多过旧阵时。”

“咁你点解唔肯同我做爱呀？”我话：“我好想同你做爱！我好耐冇做爱嘞！”

重记得，第一次同佢 Make Love，响大浪湾停车场，我架开逢宾士度。

佢嗰晚响澳门剪完綵，赶落嚟见我。啱啱嗰晚，班广告佬搞卡位 OK 大赛，佢趁人山人海，拉鬼咗我去游车河。

嗰晚佢讲过嘅每一句嘢，我依然记得。

“我好 Horny 呀，阿港。”佢忽然间话：“你试过响跑车度做爱未呀？”

咁我就锡佢，又伸手解开佢件厘士恤衫的钮。

佢嗰条脷，直头识转弯嘅，响我个口撩嚟撩去，我直头个人飘飘然兼熨熨。

唔理三七廿一，就连佢条裤都除埋。

然后，佢无意中踢到我宾跑个自动掣，个车篷就自动开咗。

“我唔惊！”佢话：“唔好理！继续！继续你 Fantastic！”

但系佢而家，唔肯再同我做。

“我唔系唔肯，而系……”

“系咩？”我见佢好似好有苦衷咁，就追问。

“我……我……”阿姐平日，讲嘢好爽快，今日佢有啲唔对路。

“你有嘢咁嘛？唔舒服呀？”我充满关心，一边大啖食芒果。

“唔系！”阿姐拧头，然后左望右望之后，忽然间细细声，响我耳仔边话：“我今日经期嚟呀前世！”

“哦！唔怪之得你唔想同我做爱啦！”我恍然大悟：“吓死人嘞你！等我重以为你唔钟意我添。”

“阿港！你咪咁大声啦！”佢一手捉住我。

原来佢怕俾人知道我同佢有路。咁又唔怪得佢，佢话晒系公众人物，大名鼎鼎，我而家沦落成咁，虽然佢重爱我，但系亦无谓俾人知，影衰佢。

所以我即刻道歉：“Sorry！”

阿姐跟住望个表，我知佢梗系想扯，就话：‘你有事就行先啦！’

佢见我咁讲，亦唔客气：“我第日先嚟探你咯嘢，阿港！”讲完就走。

我其实个心好唔舍得，一路响窗口望住佢嘅背影。阿姐肥咗，有我初识佢咁苗条，但系行起路，仍然非常性感，个屁股好似有摩打咁嘅。

我一路望，望住佢行埋架 BMW 度，个心好激动。

忽然间，佢停住脚步，转身，望番上嚟我度，同我挥手，然后，又开始行。呢次佢唔系行去架车度嘢，乜咁奇嘅？

哈！我真系自作多情嘞！

初初见到阿姐行番转头，重以为佢对我依依不舍添。

点知唔系，佢不过系走得匆忙，唔记得带佢揪 BMW 车匙啫。

我而家都好为自己咁敏感而尴尬。不过，呢啲嘢，成日都会。男人好少唔自作多情嘅。有个女仔望多自己两眼，就会以为人哋钟意自己。我由细至大，成日都会犯呢啲毛病。

不过，又好在自作多情啫，如果唔系，就唔会发现阿姐嘅秘密。

我见阿姐行到埋架车度又番转头，好感动，同时一眼望见台上面佢揪车匙，于是谗都唔谗，一手撈咗揪匙，就冲落楼，想话怪番阿姐两步，唔使佢走嚟走去。

一落到楼，阿姐见到我，神色就有些少怪：“阿港，你唔使落啦！”

“哦！”我初初重唔知佢点解：“好闲啫！唔使你走嚟走去吓嘛，你咁赶！”

咁讲完，就陪佢行埋佢架 BMW 度。

然后，我就发现到阿姐嘅秘密嘞。

唔止阿姐嘅秘密咁简单。呢件秘密，重关乎我另外个情妇，安田美智子呢个日本妹。

佢根本一直坐响阿姐架车里便，阿姐嚟探我，佢就响车上等。

“美智子！”我一见，就忍唔住大声嗌佢，一切前尘往事，涌晒上心头。

佢成个弹起，花容失色，非常手足无措。

“你原来响度。”我都唔知点解，一见到佢，眼泪直标：“点解唔上嚟坐阵呢？”

佢哑咗，好似有千言万语，不知从何说起咁款。

日记！唉！我好彩有你，俾我倾诉心声，如果唔系，就真系个人神经都似。

嗰日我见到安田美智子嘅时候，好冲动。但系而家，写吓日记，个人平复咗好多。

佢原来响日本嚟咗，知道我近况，就想嚟探我，但系又唔敢。约埋阿姐嚟我度，始终都唔敢上嚟，于是就坐响架车度等。

睇嚟，呢个日本妹，算系对我认真有心。佢不过惊我见到佢，受唔住刺激。

至少，佢好过我前妻 Mary。

Mary 已经唔知有几耐有同我通过音讯嘞。连我个女秘书 Angela 都系。

我一生人，有亲密关系嘅四个女人，有两个而家唔见我，重挂住我嘅，得阿姐同呢个住响日本嘅富家女安田美智子。

不过，我嗰日，见到佢哋两个嗰阵，好冲动。过去嚟

年，我受嘅刺激好大，家散财尽，人人以为我就咁玩完。好在我咬紧牙龈，死唔去。但系一旦见番呢两个女人，我忍唔住，响条街度，众目睽睽之下，就咁喊到呜呜声。

“你唔好咁冲动，阿港！”阿姐见我啲眼泪，好似水塘满泻咁，就劝我：“你唔好怪美智子，佢唔系唔挂住你，不过佢唔想你伤心，所以到拉尾，明明嚟到，都唔上去见你啫！”

咁又系！佢冇讲错。我于是开始唔喊嘞！不过，见住两个女人响我面前，我点可以唔激动吓！

结果，三个人就咁企响条街度倾。

倾倾吓，有几个学生妹行过，认得阿姐系明星，要佢签名。

安田美智子，本来系我前妻 Mary 外家嘅朋友，屋企好有钱嘅。

美智子系早稻田大学毕业生，毕咗业，重去深造过，有好学识。

佢个人，有两面嘅。

响个老豆老母面前，粒声唔出，斯文到尽。但系一同埋我哋，就玩到好鬼颠。

系佢教识我食大麻嘅。

我死都记住嚟次。

而家谗番起，觉得嚟次，系我人生嘅转捩点。

如果我唔系学识咗食大麻，可能我而家唔会沦落成咁都未定。

我响东京识咗美智子之后，佢嚟香港，我就有时陪吓佢买嘢，周围去吓咁。

本来，应该系我老婆陪嘅，但系我老婆大咗肚，行动唔方便，所以叫我代劳。

陪陪吓，就熟咗。

美智子有个同学，叫做叶村博士，呢条友仔，发明咗

一只味精代用品，想搵广告公司，咁就搵咗我哋间“诚意”。

有次，我哋一齐去台北。佢就系响台北嘅酒店，教识我食大麻㗎嘞。

大麻呢样嘢，广告行班鬼，好多都有食，我从来都唔肯试嘅。吸毒，咪拘。容易上咗瘾，以后变成瘾君子，死梗！

“唔会上瘾㗎！”美智子话：“大麻害处，重少过烟。净系心理上有瘾，生理上，系冇瘾嘅！”

我本来唔肯试，但见美智子食完鬼咁开心，就忍唔住心郁郁。

就系咁，我开始食大麻㗎！

我有怨美智子教坏我。

“牛唔饮水，点撻得牛头低”呢？我老母，周时都讲呢句说话㗎啦！美智子亦都有迫我，我自己自愿试嘅，点可以怨人㗎？

何况，做人乜嘢都整定嘅。好同坏，真系好似冥冥之中，有条天数咁。

谗起我自己条命，都算好奇。

大家系中国人，我偏偏识投胎，生响香港。你话吓，真系好命到加零一啦，系嘛？如果生歪些少，响大陆出世，同样系中国人，响个地图上差半寸位咋，就铃铃都掉埋咯。

我生而为香港人，重好命到娶咗个好老婆，而且享受过一段相当长时间嘅风流快活，而家即使沦落到一支公租房住，今日唔知听日事，有晏食未必有晚饭咁惨，都系自己撻㗎嘅，唔应该怨任何人。

要怨，都系怨自己嘅啫！

开讲有话：“有咁耐风流，有咁耐折堕”，我自己衰，捱吓都好应该。

鬼叫自己唔识自爱咩。

世界系好公平嘅，有好，必定有坏。我无端端，以一个普通过普通嘅中学生身分，娶咗个大学生老婆不特止，重响个死老鬼嚟度，承爱咗成千万遗产，鬼叫我自己唔珍惜咩，搞到而家咁。

不过，我重未睇死自己嘅。

我个心，仍然信我会卷土重来。

虽然我唔知几时好运会再嚟！虽然我知道，我重有一排折堕！

系我抵死！而家，还紧风流债！

四个女人，风车咁转，梗梳乎啦！梳乎完，冇代价？哼！呢个世界，边有咁便宜㗎！

当日自己咁风流，咁我而家有冇后悔呢？

日记呀日记，就唔怕老老实实话俾你知：我有后悔！一啲咁多都有。

我系觉得对我前妻 Mary 唔住嘅！

佢系个好女人，冇做过半样错嘢，我唔应该咁对佢唔住！但系我而家已经折堕紧，个天响度罚紧我，我亦有半句怨言。不过，讲到后悔，我真系有！

我自问，完全唔系大奸大恶嘅人。平日，连粗口都唔讲嘅。我不过系抗拒诱惑嘅能力，冇人哋咁好啫！

就系咁衰啦！

不过，你话嘞！如果系你，你可唔可以抗拒呢种诱惑呀？

响我面前嘅，一个系当红炸子鸡大明星阿姐，一个就系日本嘅青春玉女，两个一齐，除晒衫，剥到光脱脱咁，迫埋我度。

你叫我点呀？

系！当晚我成个咸湿佬咁！重咸到出晒位添！一拖二，乱晒大笼。